

उपराज्यपाल मनोज सिन्हा होरें कल भारतीय रेड क्रस सोसाइटी जम्मू-कश्मीर दी सलाना आम बैठका दी अध्यक्षता कीती ते एहदे कम्मै-काजै- गतिविधियें ते भविक्ख दिएं योजनाएं दा जायजा लैता। उपराज्यपाल जेहड़े जे रेड क्रस सोसाइटी दे अध्यक्ष बी हैं होरें सब्भनं डिप्टी कमीशनरें गी निर्देश दिता जे ओ सोसाइटी दे कम्मै-काजै लेई वसीलें दी बवस्था करन- फंड किट्ठा करने दे ज़रिए गी सक्रिय करन ते समाज लेई मनुक्खता पर आधारित ते भलाई-बेहतरी दे कम्मै- गतिविधियें दा होर विस्तार करन। मनोज सिन्हा होरें उन्गें गी जिलें साब्बे सलाना गतिविधियें लेई योजनां तयार करने- जिनें इलाकें च सोसाइटी दे दखल दी लोड़ ऐ उन्दा पता लाने ते इनें गतिविधियें दी असरदार ढंगें नै अमलावरी गी जकीनी बनाने लेई बी आखेआ। रेड क्रस दिएं सेवाएं गी लोकें दे होर नेड़े लेई जाने पर जोर दिंदे होई एल.जी होरें एहदी पुज्ज ग्राएं-ग्राएं ते दूर दरेड़े इलाकें धोड़ी बनाने दा बी आहवान कीता।



CM- Raabita

अपने “राबिता” कार्यक्रम तैहत्त मुख्खमंत्री उमर अब्दुल्ला होरें कल श्रीनगर च केई लोकें ते शिश्तमंडलें कन्नै मलाटी कीती ते बक्ख-बक्ख मुद्दे-मसलें ते विशें पर गल्लबात कीती। इस दौरान प्हाड़े दे सतत विकास- सैलसफा गी बढ़ावा देने ते खेड़ें सरबन्धी केई विशें पर सोच-विचार कीता गेआ। इंटेग्रेटेड माउनटेन इनिशिएटिव नांs दे संगठन दे इक शिश्तमंडल ने मुख्खमंत्री होरें गी मिलियै जम्मू-कश्मीर च प्हाड़े दे सतत विकास गी बढ़ावा देने दिएं नीतिएं बारे गल्लबात कीती। IIT जम्मू थमां एसोसिएट प्रोफेसर अमिताश ओझा होरें मुख्खमंत्री होरें गी मिलियै जम्मू-कश्मीर च सैलसफा विकास लेई प्रस्तावित इक पैहल बारे जानकारी दिती। जम्मू-कश्मीर दे तलवारबाज़ विशाल थापर जिंदी जापान च होने आहली 20मीं एशियाई खेड़ें च भारत दी अगुआई करने गितै ताल होई ऐ- उब्बी कल मुख्खमंत्री हुंदे नै मिले ते जम्मू-कश्मीर खेड़ विकास सरबन्धि मुद्दे पर गल्लबात कीती।



Population Enumeration (Byte)

जम्मू-कश्मीर दे प्हाड़ी ते बर्फबारी आहले कठन इलाकें च अज्ज पैहली सितम्बर थमां मरदमशुमारी दी प्रक्रिया शुरू होई गई ऐ। केन्द्र शासत प्रदेश च इस चाल्ली दे कुल 16 जिलें न। आकाशवाणी दे जम्मू संवाददाता नै जानकारी दिती ऐ कि प्हाड़ी ते बर्फबारी आहलें इलाकें च मरदमशुमारी दा कम्म 30 सितम्बर धोड़ी जारी रौहग। जम्मू-कश्मीर ते लद्दाख लेई जनगणना सरबन्धी कारवाइएं दे ड़ैक्टर अमित शर्मा- जेहड़े जे इनें दंऊ केन्द्र शासत प्रदेशें दे प्रधान मुख्ख जनगणना अधिकारी बी हैन- अज्ज उधमपुर जिले दी ड़ू बसंतगढ़ सब-डिविजनें दा दौरा लाइयै इस प्रक्रिया दी रस्ती तौरा पर शुरुआत करा करदे न। इस बारे होर जानकारी दिंदे होई मरदमशुमारी निदेशक अमित शर्मा होरें आखेआ



Mission Yuva (Byte)

जम्मू दे डिप्टी कमीशनर हुंदे दफ्तरै च कल मिशन युवा दी अमलावरी ते प्रगति दा जायजा लैने लेई इक बैठक लगी। डी.सी. डाक्टर राकेश मन्हास हुंदी अध्यक्षता च लग्गी दी इस बैठका च जिले दे सब्बै SDMAं दे इलावा मैहकमा रोजगार दियां डिप्टी ड़ैक्टर सुनैना सैनी ते मिशन युवा लेई लीड बैंक दे मैनेजर बी मजूद हे। बैठका च मिशन युवा स्कीम दा लाह मते शा मते नौजवानें तगर पुजाने दे तरीकाकार बारे तफसीली चर्चा कीती गई।

इस गल्ल पर बी बक्ख-बक्ख पैहलुएं पर सोच-विचार कीता गया कि किस चाल्ली नौजवानें गी स्वरोजगार दे मौके बारे जागरुक बनाइयै उनें गी इंदे नै जोड़ेआ जा- उद्यमता गी बढ़ावा दिता जा ते इस स्कीम दी जमीनी सतह तगर असरदार ढंगे नै अमलावरी जकीनी बनाई जा। इस बारे होर जानकारी सांझी करदे होई डिप्टी ड्रैक्टर रोजगार सुनैना सैनी

<><><><><><>

Prog. Announcement

आकाशवाणी जम्मू दे क्षेत्रीय समाचार एकांश आसेआ 2 सितंबर गी दपैही साइडे 12 बजे राश्ट्री पोषण सप्ताह दे सिलसिले च 30 मिंटे दी इक विशेष परिचर्चा प्रसारित कीती जाहग। एहदा विशेषार होग “संतुलित आहार थमां बेहतर सेहत तगर जीवन लेई पोषण”। इस कार्यक्रम च खास मेहमान होइन जम्मू-कश्मीर दे मन्ने-परमन्ने दे डाइटिशियन विक्रम सबरवाल, जेड़े इस विशे पर अपने माहिराना बचार सांझा करडन। इस कार्यक्रम दी मेजबानी न्यूज एंकर विजय बजाज हुं दे आसेआ कीती जाहग।

<><><><><><>

CS-JK Khelo India

जम्मू-कश्मीर प्रशासन नै केन्द्र सरकार दे “खेलो इंडिया” कार्यक्रम तैहत 2026 कोला लेइयै 2031 तगर लेई इक महत्वाकांक्षी खाका तयार कीता ऐ। इस योजना दा मकसद केन्द्र शासत प्रदेश च खेड्डे सरबन्धी बुनियादी ढांचे गी मजबूत बनाना ते जमीनी सतह पर खेड्ड प्रतिभा दा पता लाइयै उसी नखारने दी कोशश करना ऐ। इस योजना तैहत 5एं बरे दी अवधि दुरान केन्द्र सरकार कोला इक जहार करोड़ कोला 12 सौ करोड़ रुपे दी सहायता रकम हासल करने दा लक्ष रखेया गेदा ऐ। इस योजना दे खाके गी मुख्ख सचिव अटल डुल्लु हुंदी अध्यक्षता च लग्गी दी यू.टी सतह दी तालमेल कमेटी दी पैहली बैठका च रखेआ गया। मुख्ख सचिव होरें सम्भनें डिप्टी कमीशनरें गी आखेआ जे ओह अपने-अपने जिलें दी खेड्ड विकास योजना जमा करान तां जे जम्मू-कश्मीर च खेड्ड विकास लेई केन्द्र दे फंड दा पूरा-पूरा लाह हासल कीता जाई सकै।

<><><><><><>

Div.Com –KPs.

जम्मू दे डिविजनल कमीशनर रमेश कुमार होरें कल जम्मू च इक निजी चैरीटेबल ट्रस्ट आसेआ लोआए गेदे पैहले कम्प्यूनिटी कैश अवार्ड समारोहें च हिस्सा लैता। इस कार्यक्रम दा आयोजन उनें लोकें गी सम्मानित करने लेई कीता गेदा

हा- जिनें अपने-अपने क्षेत्रें च कश्मीरी पंडत समुदाय दा मान बढ़ाया ऐ। किट्ठै गी सम्बोधित करदे होई रमेश कुमार होरें 1990 दी घटनाएं दे बाद कश्मीरी पंडतें गी पेश आए दे मुश्कल समें बारे गल्ल कीती ते आखेआ जे विस्थापित होने दे बाद बी उ'नें बक्ख-बक्ख क्षेत्रें च पेशें च खरा प्रदर्शन करना जारी रखेआ। मगरा उ'नें कश्मीरी पंडत समुदाय दी नामचीन हस्तियें गी बक्ख-बक्ख श्रेणियें च नकद इनाम बी दिते। इंदे च Dr. Agni Shekhar- Vikram Koul- Sandhya Dhar- Dr. Adividvadani Koul- Pandit (Dr.) Abhay Rustum Sopori ते Ankur Bagati.



New IGP Jammu

जम्मू ज़ोन दे नमें पुलस महानिरीक्षक दे तौरा पर Tejinder Singh होरें अपना कम्मकाज सांभी लैता ऐ। ओह भीम सेन टूटी हुंदी थाहरें पर आए न। जम्मू दे ज़ोनल पुलस मुख्यालय च अपने इस ओहदे थमां फारिक होआ रदे भीम सेन टूटी होरें'गी विदाई देने ते उन्दी थाहर पर नमें नियुक्त होए दे IGP Tejinder Singh हुंदा औपचारिक तौरा पर सोआगत करने लेई इक कार्यक्रम दा सरिस्ता कीता गेआ। कार्यक्रम दौरान जम्मू ज़ोन दे अफसरें ते अमले नैं भीम सेन टूटी हुंदे नेतृत्व ते कम्मकाज दौरान उन्दी निश्ठा दी सराहना कीती। उ'नें भीम सेन टूटी होरें'गी उन्दी नमीं भूमिका ते भविष्य दी जिम्मेदारियें च कामयाबी लेई शुभकामनां बी दितियां।



Netball C'ship (2 Bytes)

जम्मू-कश्मीर Netball एसोसिएशन आसेआ खेड़ मैहकमे कन्नै रलियै आयोजित कीती गेदी Netball चैम्पियनशीप उधमपुर दे समुभाष स्टेडियम च सम्पन्न होई गई। इस प्रतियोगिता च 15 बक्ख-बक्ख स्कूलें दियें 22 टीमें दी उत्साहजनक भागीदारी दिखने गी लब्बी- जिंदे च युवा खेड़ारियें अपने हुनर दा प्रदर्शन कीता। समापन समारोह च उधमपुर- रियासी रेंज दे DIG शिव कुमार शर्मा होर मुख परोहने दे तौरा पर उत्थे मौजूद हे जिस्तै के उधमपुर प्रैस क्लब दे प्रधान सुमीत शर्मा होर मानजोग परोहने दे तौरा पर समारोह च शामिल होए। उ'नें जेत्तू टीमें गी इनाम बंडे ते नौजवानें गी खेड़ें बक्खी दिलचस्पी लैने लेई प्रेरित करने आस्तै आयोजकें दी सराहना कीती। आकाशवाणी समाचार कन्नै गल्ल करदे होई उधमपुर-रियासी रेंज दे DIG शिव कुमार शर्मा होरें आखेआ

जिस्तै के प्रैस क्लब उधमपुर दे प्रधान सुमीत शर्मा होरें आखेआ

